

定鄉小識卷三

錢塘張 道少南

山水記 三 橫山路

焦山西北爲大青嶺嶺北爲東墓嶺下爲東
穆塢中有蓮花山塢西爲趙西塢爲白栗山
爲望江尖鄭公尖近西溪又西南爲橫山有
箬帽峯有凌影潭東南爲橫山大嶺東北爲
桐塢有青龍山又南出而東爲馬鞍山爲功
山泉又南出而西爲觀山山西爲石蜂山北
爲石板山又北爲龜山又東爲青山又焦山

定鄉小識卷三

一

南爲大斗山有小斗塢又大斗南爲鳳皇山
又黃山南出朱橋爲仙人山又東爲青龍山
又東爲中和山又東爲外高山飛鳳山南近
朱橋港爲百子山爲午山西爲百丈山下有
斗門浦百丈東爲張家山柴家山西爲柏子
尖又東南塢口爲楊梅山覆船山下爲孫家
灘又橫山之支東南行爲范嶺爲石馬山爲
烏雉嶺又西古有黃山浦上接橫山溪南出
朱橋浦江口有朱橋渡又西至轉塘有廟山
爲轉塘浦有轉塘渡又橫山古爲南蕩山

焦山 萬厯杭州府志境中諸山惟茲最高萬厯錢塘縣志栗山西其最高者曰焦山周二十里境中諸山無出其上者巔舊建貞武廟康熙錢塘縣志郡志在縣治西南四十里高一千二百丈周二十里境中之山無出其上者西北度大青嶺

焦山俗呼老焦山高插天漢猿鳥莫攀多虎人跡罕上

大青嶺 咸淳臨安志大青嶺在東墓嶺之南夢梁錄大青嶺在東墓嶺南萬厯錢塘縣志焦山之支西北行爲大青嶺有妙靜寺康熙錢塘縣志焦山

定鄉小識卷三

二

西北度大青嶺西溪志又二里曰大青嶺有千畝盧太尉墳大青嶺切逼大嶺此會城與溪鎮之總脈西溪百咏序大青嶺在西溪之南山田石澗徑竹巖松窈然森秀

釋大善

號虛間道人明末僧著有西溪百詠

大青嶺

大青嶺上白雲屯嶺下煙霞接范村草舍哺雞留笋母竹林思鳳養桐孫坐聽水碓餘千響遠望江湖露一痕幾片征帆隨月動遙遙天際出龍門許承祖

大青嶺

彷彿桃源度大青巖松徑竹間畦町四時畫本誰

描得第二橋邊估舶停

進浦雲生第二橋
釋大善咏朱橋句

東墓嶺 咸淳臨安志在靈隱寺之西近東穆塢墓者穆之轉音也

東穆塢 成化杭州府志東穆塢在靈隱寺西西溪

梵隱志在白栗山之東三里許西溪志東三里爲東穆塢有太保洪襄惠公神道踰穆塢卽三天竺矣其山自龍門黃梅來而爲穆塢盡於秦亭

蓮花山 在東穆塢中有明洪襄惠公墓

定鄉小識卷三

三

趙西塢 西溪梵隱志在白栗山之西三里許西溪

志西三里爲趙西塢有趙太師墳本縣龍門生出焦山而盡於趙太師西塢

白栗山 錢塘縣志在留下西南三里其前爲百丈里宋開慶間董氏築以通江道

望江尖 錢塘縣志高可眺江旁有大嶺接大青嶺卽三天竺

鄭公尖山 錢塘縣志高四百丈周五里其山多產薪篠

橫山 古名黃山

萬厓錢塘縣志粟山西爲黃山江元祚

黃山草堂記黃山舊名橫山土人呼橫爲黃遂譌爲黃山康熙錢塘縣志橫山舊邑志作黃山在粟山西案郡志無黃山詢之士人云稱橫山蓋羣峯綿接總諸山而名也一沿江自徐村經茱萸柏子而入一由西溪留下經百丈桐塢而入大嶺中分橫山古原名黃山胡氏崇雅堂詩集注云府志按錢塘舊有黃山浦宋書孔顓傳顓據郡反强弩將軍任農夫向黃山浦東軍據岸結砦農夫等攻破之所謂黃山浦者卽此山南麓通江處如謂譌橫爲黃非矣橫山爲境甚大一自上陳

定鄉小識卷三

四

埭六泉院許家埭以抵光明寺一自黃衙莊葛衙莊橫山廟慈母橋以抵龍門阬均名橫山沿江入山徑自轉塘經崇明橋而進魏氏以爲自徐村經茱萸不知徐村僅有二路一通理安寺及十八澗一上五雲山與轉塘尙遠十里且茱萸尖在白沙塢皆非

吳太沖

字默真錢塘人崇禎辛未進士官至中允

橫山

皆是宋時留下路野翁描出路邊亭黃鸝坐語無人聽山送溪流醉未醒

厲

鶚

字太鴻號樊樹錢塘人康熙庚子舉於鄉乾隆丙辰薦舉博學鴻詞著樊樹山房集

擬游橫山不果回舟有作

市盡松聲孤野曠山勢遠橫山不可到深秀紛挂
眼永懷江居士高眠絕異患靜笑泉出溪冷愛雲
在巘穿翠若飛梭嘉名錫策蹇伊予有同心未愜

結廬願誰云惜早芳惆悵回橈晚

明江元祚邦玉築橫山草堂攜

家隱焉有驢名曰梭翠除夕山居詩云靜隱
空山無箇事祇憐溪水一年忙高致可想也

張

葵

字丹厓錢塘人隱居定鄉以著述自娛著
有丹厓詩鈔

游橫山

曉起山窗薄薄寒山林隨處可盤桓美人作伴梅

定鄉小識卷三

五

千樹君子同盟竹萬竿花鳥有情歸綠酒煙霞無
礙寄層巒相逢盡是樵雲客便欲移家卧澗槃

箬帽峯

康熙杭州府志橫山箬帽峯以形如笠故名林泉幽邃頗得山村雅趣國朝處士沈學曾

葬於山麓墓尚存

凌影潭

在橫山江元祚游記抵驕龍廟再折而進可里許渟泓淵深鮮翠可掬上覆危石坐鑑鬚眉

余因名曰凌影潭

橫山大嶺

杭州府志在黃山左平坦如掌北達西

溪南通長江萬厓錢塘縣志黃山有大嶺范村通

西溪道也康熙錢塘縣志黃山左有黃山大嶺平如掌長二十里北達西溪東通長江

黃山大嶺近大青嶺其通江處爲朱橋洪氏西溪志云黃山路口南出十里卽朱橋江是也聶氏以爲范村通西溪道正與釋大善大青嶺詩所云嶺下煙霞接范村均爲閤於地理也蓋范村在牛坊嶺東入山爲雲棲塢及梅家塢

桐塢 萬厯錢塘縣志焦山之支西北行有塢曰桐塢康熙錢塘縣志桐塢在百丈里前卽橫山界

桐塢在橫山有裏外二塢裏桐塢最深邃幽絕

定鄉小識卷三

六

外桐塢達橫山大嶺北至西溪明季陸忠節公殉節於桐塢卽此

厲 鶚

桐塢

桐塢我舊過陰森翳叢篠隔林見梅花謂是山月
曉花深不辨徑地寂惟聞鳥但看香雪繁似覺青
翠少此中饒僧廬粥魚出煙杪後游鬢絲增初春
澗聲杳無事爲佛事益以詩自擾

吳錫麟

字洛書號箬村錢塘人

桐塢

長松入雲裏見雲不見松直出松上雲雲又迷數
峯逆鼻旃檀香過耳闍黎鐘禪棲據沃衍花氣諸
天濃爾故樂爾居我行舍我筇鱗鱗晚風起身其
驂玉龍

青龍山 在裏桐塢

馬鞍山 萬麻錢塘縣志焦山之支東南行爲馬鞍

山黃山阪

山與五雲山東之馬鞍同名魏氏志誤援是文
於彼山下遂云近黃山阪辨詳五雲山卷中

功山泉 在定北鄉洋井阪見名山勝概記

定鄉小識卷三

七

黃嘉惠

字

海陽人

功山泉銘 并序

功山在錢塘之定北鄉古名洋井阪阪有泉一穴
冬夏湛碧一日培土三尺泉亦隨升如古之趵突
有友人攜芥茗與虎跑泉並煮啜之較香味尤勝
予性嗜水弱冠夢舍旁井泉湧溢屢屢豈意驗於
茲乎乃占得井之上爻其詞曰井以陽剛爲泉上
出爲功今泉在山中乃命其地曰功山

觀山 萬麻杭州府志高七十丈周回六里萬麻錢
塘縣志粟山西爲觀山康熙錢塘縣志郡志在縣

治西南四十五里高十六丈周回六里

石蜂山 康熙錢塘縣志郡志在觀山西一里山多

石形如蜂故名

石板山 康熙錢塘縣志郡志在觀山北五里

龜山 康熙錢塘縣志郡志在石板山北一里

青山 萬厯錢塘縣志白巖之支東南行爲青山俗

名密家灣有光明寺康熙錢塘縣志郡志在觀山

東二里高十丈周一里

大斗山 一名岱 康熙錢塘縣志郡志在焦山南

咸淳志疆域門長壽鄉有大斗里

定鄉小識卷三

八

小斗塢 一作小 在大斗山下

鳳皇山 一名丫 江月松風集鳳皇山在定山西其

頂有雙峯儼如髻然萬厯杭州府志龍門山南爲

丫頭山巔起雙峯如髻故名康熙錢塘縣志丫頭

山郡志在大斗山南一里雙峯如髻故名胡敬崇

雅堂詩集注丫頭山卽鳳山

元錢思復有鳳皇雙髻詩 詳名 又思復游光明

寺詩云上脫冠巾鳳髻雙亦指此也李氏西湖

志不知定鄉有鳳皇山遂於萬松嶺側宋大內

之鳳皇山下別標曰雙髻峯而引思復詩以實

之譌矣元時山下有雙鳳山居思復又有題雙鳳山居圖詩翟氏湖山便覽亦誤列於宋大內之鳳皇山辨詳古蹟山去定山龍門甚遠舊志標名例取境內名山耳

許承祖

雙髻峯

鳳飛天目憇東南雙髻玲瓏擁翠嵐銀漢橫秋回織女阿誰分得玉爲簪

許氏題注云江月松風集鳳皇山頂兩峯儼如髻形宋錢惟善有鳳皇雙髻詩是直不知集爲

定鄉小識卷三

九

錢著錢爲元人也其誤爲宋大內山更無論矣以是山題詠絕少姑錄之

仙人山 在朱橋港北形如仙人仗劍

青龍山 在中和山西

中和山 在朱橋巔有真武廟此與雲泉山北之大和山龍門山東之小和山同以和名背爲雲棲塢

外高山 飛鳳山 並在中和山東

百子山 在朱橋港口

午山 在牛坊嶺西近朱橋山平行橫漫互於江濱泥赤色如丹其麓爲明葛湖南故里

百丈山 萬厯錢塘縣志黃山之支折而西爲百丈山百丈山在轉塘午山之北山下有斗門插西爲孫家灘東有百丈庵明葛湖南之曾祖朴菴窆於此山平坦至巔凡百丈故名

斗門浦 在百丈山下

張家山 在百丈山東

柴家山 在百丈山東

柏子尖 萬厯錢塘縣志黃山之支東南行爲柏子

尖山錢塘縣志迴耀峯西南爲柏子尖

李氏西湖志引

康

熙錢塘縣志柏子尖舊邑志在黃山東南黃山溪

定鄉小識卷三

十

經此出江

柏子尖山高峻秀傑四圍互翠饒幽蒨之致山半有小菴危峭入雲望如畫圖山口松澗夾道數里游人嗟勝背爲雲棲塢魏氏以爲黃山溪經此出江非是

鄭永祺

偕友游柏子尖山

瓷甌蠟屐兩安排對面青山好放懷歌倚長松孤鶴起醉眠芳磴落花埋雲開峯出如圖展萍散池明似鏡揩何處游筇知到此風光今日屬吾儕

楊梅山 覆船山 並在柏子尖東南塢口皆平岡
孫家灘 在百丈山西

范嶺 在朱橋港北

石馬山 在朱橋港北高偉尊嚴

烏雉嶺 在石馬山南嶺下古有寶相寺東爲葉婆橋

黃山浦 康熙杭州府志按錢塘舊有黃山浦宋書

孔顛傳顛據郡反彊弩將軍任農夫向黃山浦所
謂黃山浦者卽此山南麓通江處

黃山浦卽今黃山溪入江處蓋近山則名溪近
江則號浦也

定鄉小識卷三

十一

黃山溪 萬厯錢塘縣志黃山溪從陡門閘大朱橋
入於江

朱橋浦 在午山西受橫山諸溪之水東自大青嶺
橫山大嶺東北自桐塢北自小和山西北自龍門
山白龍山午潮山西自大斗山鳳皇山胥合注於
此傍江之浦以是爲大每秋時江潮怒漲舟艦避
潮者多泊浦中元錢思復有朱梁夜泊詩春渚紀
聞循江過六和寺由南蕩朱橋港西溪梵隱志黃
山渡口出十里爲朱橋江

朱橋渡 在朱橋其船皆烏篷網釣橫山一路入縣

者由此宋時有魚山渡

廟山 在轉塘康熙錢塘縣志郡志在縣西南三十里高十五丈周六里山多石萬厯志云舊志謂去縣五十里者在富陽非此

廟山孤峙田坂間甚低小以山南麓有梵宇故名與在富陽之廟山異咸淳志所云突出江心者高卑絕異

轉塘浦 在轉塘

轉塘渡 在轉塘與朱橋渡同入縣渡雖析爲二其船戶仍合一步也

南蕩山 杭州府志攷錢塘定山北鄉管里四曰排山徐村牛坊南蕩則南蕩自與排山牛坊嶺同在定山北鄉東坡文集乞開石門河狀云前知信州侯臨因葬生母於杭南蕩往來江濱相視地形建議自石門鑿爲運河今山名雖改而里名如舊據里斷之凡山之在其里者皆南蕩山也

南蕩山在宋時甚著名攷咸淳志及夢梁錄如都尉周邠待制周邦彥少師元絳三墓並在南蕩山而侯敦夫亦葬母於此南宋時且設南蕩山巡檢司寨額管土軍九十六人程秘城南廂

廳壁記云往昔南北二廂設於關外而分任之地皆六七十里顧南廂所統尤爲延袤北至艮山南抵南蕩五方雜居水陸互市然則南蕩亦一市鎮矣據咸淳志疆域門次南蕩於徐村牛坊下春渚紀聞述東坡開石門河道里云由南蕩朱橋港其地當在朱橋轉塘之間山亦疑近橫山一路乃李氏西湖志以諸山無南蕩之名移元少師與二周墓於駝巘嶺下不知山川里陌古今異名顯晦緣候詎庸概削之也

定鄉小識卷三

定鄉小識卷三